

Учқун Назаров

ТОШКЕНТ

Гафур Гулом номидаги

Адабиёт ва санъат нашриёти

1988

Элликлардан ошган семиз аёл Ханифа опа процедура олиш учун чиқиб кетган. Бир ўзим шошмай нарсаларимни йигиштира бошладим. Олма, анор, апельсин, торт, яна шунга ўхшаш анча-мунча нарсалар ейилмай йифилиб қолган, ҳамширамиз опчиқиб кетар деб, алоҳида ажратиб қўйдим, жойимни ҳафсала билан тузатдим, аммо биламан — бунинг фойдаси йўқ, жўнашим билан санитар аёл келиб, ҳаммасини бузиб, янги гилоф-чойшаб билан алмаштириб кетади. Чунки менинг ўрнимга дарҳол бошқа беморни ётқизишиади. Бу касалхонада биронта ўрин бекор турмайди. Ҳаммасининг ҳисоби бор, аввалдан тақсимлаб қўйилади.

Мана, бугун йигирма тўрт кун бўлди бу ерга келганимга. Ҳозир тузукман. Уйқум ҳам, иштаҳам ҳам, умуман, ҳолатим дуруст, бурунги хуноб бўлиш, сиқилиш аломатлари деярли ариди. Икки йил аввал ғалати бир дардга дучор бўлиб қолдим. Мундоқ олиб қараганда — соппа-сог одамман, аммо кечалари ухлай олмайман, сахарга борганда кўзим уйқуга кетади, икки-уч соат ухлаган бўламаи, бироқ буни соғлом уйқу деб бўлмайди. Шунчаки азбаройи ҷарчаганимдан кўзим илинса керак. Уйғонганимдаям ҷарчоқ ҳолатим аримайди, мудраб юраман, қўлим ишга бормайди. Ҳатто қизим Наргизанинг хархашасиям кўнглимга сиғмайди. Яхшиям боғчаси, қолаверса, қайнонам бор, Наргизани овутади, бошқа нарсаларга чалгитади. «Бошингиз қоронғидир, ўтиб кетади, деди қайнонам менга тасалли бериб. Баъзи жувонлар шунақа бўлади». Йўқ, бу ҳомила-дорлик эмас. Бу дард мактабимиздаги олишуввлар оқибати бўлса керак деб ўйлайман. Эрим: «Ке, қўй, бўшай қол

ишингдан, бошқа мактабдан жой топиб бераман», деди, бироқ мен кўнмадим. Шунча олишувларга бардош бериб, уча-мунича муваффақиятга эришган бир пайтда, бўшаб кетиш, чекиниш бўлмайдими? Рози бўлмадим. Аҳволим таиг эканини мактабдагиларга сездирмадим. Шуни айтиш керакки, қай ҳолатда бўлмай, мактабга киришим билан барча дардим мени тарқ этгандек, мутлақо ўзгариб кетаман, чунки ўз ишимни, ўқувчиларимни севаман. Уларниг шахс сифатида шаклланишларида менинг ҳам ҳиссам бор, оз бўлса-да, мен уларни ўз маъруза ва дунёқарашим бўйича эргаштирдим, маслак ва мақсадим уларниг ман-фаатига қаратилганига ишонтира билдим...

Эрим ҳар ерга қўли етадиган одам. Қанақадир қурилишлар бўйича министр муовини. Аҳволим икиддийлашиб бораётганини кўриб, стационарга мени ётқизди. Сал тузук бўлдим, лекин ҳеч қанча вақт ўтмай, яна безовта бўла бошладим. Бир куни эрим таниш докторини олиб келди. Мен кўрпа-ёстиқ қилиб ётгаи бемор эмасман, шунинг учун чой қўйдим, дастурхон ёздим. Анчагача суҳбатлашиб ўтирганимиздан кейин, таниш доктор аллақандай шифохона ва у шифохонада игналар воситаси билан даво қиласидиган бўлим борлигини айтди. Эрим эртасигаёқ мени шу ҳозир чиқиб кетмоқчи бўлиб турганим шифохонага келтириб қўйди. Докторлар «асабингиз бир оз толиққсан», дейишиди, буни ўзим ҳам яхши биламан. Ҳар турли ваниалар, уколлар, дорилар буюришди, ҳаммасини қабул қилдим. Айниқса буларниг «игна давоси» ҳақиқатда мўъжиза экан. Ҳар бир одамниг таисида тўрт юзга яқин нуқта бўлиб, нерв толаларининг учи шу нуқталарга келиб тўхтар экан, даволовчи врач олтиидан ҳам қиммат платина металидан тайёрланган игначаларни одамниг баданидаги тегишли нуқталарига санчиш билан ўша асаб ипларининг учини гўё «қитиқлар» экан ва шу йўсинда «хиралашиб» қолган первлар «фаолиятини» ишга солиб юборишар экан. Биринчи кезларда игна қабул қилганимдан сўнг қалтираб лоҳас бўлдим, лекин бу ҳол узоқ давом

этмади. Тахминан икки ҳафта ўтга, қалтираш, ҳолсизланини аломатлари тўхтади, мен ўзимни тетик сеза бошладим, баданимга аллақаандай ғайрат кўйилиб келаётганини аниқ ҳис қўлдим. Ўйкум ҳам ўз маромига тушди, атроф кўзимга жозибали бўёқларда кўрина бошлади. Дардан холи бўлиш билан боғлиқ бўлган туйгу кайфиятимни янада кўтарди, кўзларимда нур, лабларимда тез-тез табассум, дилимда қувонч ва шу билан бирга алланечук осуда осойишталик қарор тоғандек бўлди. Аввалги дилғашликлардан зарра ҳам қолмагандек туюлди. «Туюлди», деб бекиз айтмадим. Тўгри, дилимда қувонч ва осойишталик қарор топди, аммо шу күплар мобайнида шундай бир воқеа содир бўлдики, мен бу нарсанинг оқибатини аниқ бир ном билан атай олмайман. Аввалги дардимдан холи бўлдим, бироқ бошқача «дард»га дучор келдим. Бу «дард» бир томондан дилимни шодликка тўлдирса, иккичи томондан саросимага солади, чўчитади. Буткул хаёлимни қамраб олган, кутулишига чора йўқ, баъзан идроким устун келиб, ҳушимга қайтганимда, ўзимга-ўзим ёмон кўринамаи, ўзимни-ўзим койигим келади. Калавам чалишиб кетган, учини топиш нақадар мушкул. Нуқул Наргизани, эримни ўйлайман. Хаёлимга дадам келади... Ҳозир май ойи. Роппа-роса саккиз йил... Институтнинг тўртичи курсида ўқирдим, онам оғир касалга гирифтор бўлиб, ярим йил мобайнида биз кўрсатмаган докторлар қолмади. Касалхонадан олиб касалхонага ётқиздик, самара бермади. Ҷадам шўрлик қариб кетди. Бир куни онам, «тузалишимга кўзим етмаяпти, деди, ягона фарзандимиз сенсаи, қизим, кўзим очиқлигида тиниб-типчиб кетганингни кўрсам...» У пайтлари йигирма бир ёшли қизман, менинг изимга тушган йигитлар оз эмас, аммо биронтаси ҳам хаёлимни банд қилган эмас, буёқда онамининг аҳволи борган сари чатоқлашяпти, орзуси хаёлимдан кетмайди. Балки бу онамининг сўнгги тилагидир, қандай рад қилиб бўлади? Аммо шунинг билан бирга мен қиз боламаи, ихтиёрим ўзимда эмас. «Мени ол, сенга

тегмоқчиман», деб биронга айта оламани? Тўғри, ягона фарзанд бўлганим учун ота-онам ҳамиша менинг кўнглимга қарашган, эрка ўсанман. Дадам ўқимишили одам, ўқитувчилар ёллаб мени музикага, инглиз тилига ўргаттирган. Умуман, оиласизда эрини ҳаракатлар май қилинмаган. Масалан, ўғил болалар мени кино ё театрга таклиф қилиб келишса, ҳеч ким бу ҳаракатда эриш парса кўрмаган. Аксинча, ҳо аям, ҳо дадам бўлмасин, мени йўқлаб келган болаларни яхши қарши олишар, дарров дастурхонга таклиф қилиб, бор-йўгини тўкиб ташлашар эди. Биз шаҳарнинг марказида турардик, «эркин мулоқот» фақатгина бизнинг оиласиз фазилати эмасди. Институтда ўқиб юрган кезларимда ҳам бунақангидан одатлар давом эта борди. Баъзи йигитлар очиқ кўнгил билан, баъзилари эса бирон мақсадни кўзлаб, уйнимизга келишарди. Мен буни сезардим, аммо билдирамас эдим, ўзимни ўта бефарқ, тўғрироғи, ҳаммага бир хил йўсимида тутардим. Ўша «ички дард» билан юрган йигитлардан биронтасига мойиллик кўрсатсан, эртасига одам қўйиши муқаррар эди, аммо бунақангидан посамимий ҳаракатга эрким йўл қўймас эди. Бироқ онам ўлим тўшагида ётити, сўнгги тилагини адо қилмаслик, бу ўта қабиҳлик, худбиилик Ахир онам бегона бир одамдан эмас, мендан, ўз фарзандидан жавоб кутяпти... Бир куни дадам ишидан кеч келди, онам каравоти ёнидаги стулга ўтириб, қўлинин онамнинг нешонасига қўйди. Мен чойга қараш учун ошхонага чиқиб кетдим. Бир оздан кейин дадам чиқди, кўзлари нам эди.

— Кир, аянгни гани боракан,— деди сигарет тутатиш билан кўзини яшириб дадам.

Мен онамнинг олдига кирдим. Сарғиш ва озгин юзи осуда, шифтга тикилган цурсиз кўзлари тинч ва жим эди. Кирганимни пайқаб, мен томон бошини ўғирди ва аранжилмайиб кўзларимга сиповчан тикилиб қолди. Мен онамини қучиб, юзимни юзига қўйдим. Зўрга бир қўлинин қўзатиб юзимни пайнаслади, бармоқлари кипригимда тўхтади.

— Йиғлама, жои болам, кўнглимини бузма,— деди онам қовжираган лабларини чаккамга қўйиб.— Даданг яхши хабар олиб кенти.

Мен дарҳол кўзимни артдим, жилмайишга уриидим.

— Эсингда борми, Камолон маҳалласида турганимизда, даданг билан бирга ишлайдиган йалол деган ўртоғи бўларди... Сенга нуқул ҳовлисидағи шотутдан олиб келарди. Сен шотутни яхши кўрардинг. Кўлларинг, шойи кўйлагиниг қип-қизил шотут рангига бўяларди. Шотут догони совун ҳам олмасиди...

— Эсимда бор, ая,— дедим мен кулиб.— Ўша кишини мен «Шотут амаки» дердим шекилли?

Онам кулди. Кўзларига нур оралагандек бўлди.

— Ҳа-я... Эсимдан чиқиб қопти. «Шотут амаки», дердинг. Яхши пайтлар эди. Ҳозир шотут бўлса, менам ердим...

Томогимга тўпдек нарса келиб, дамимни сикди, кўзим жиққа ёшга тўлди.

— Ҳозир йўқ-да шотут, эпди тугаётган бўлса керак... Насиб қилса, пишгаида ерман, зора... Шотут дори, юз дардга даво бўлади дейишади.

Онам жимиб қолди. Айтмоқчи бўлган асосий мавзуига қай йўсиинда ўтишини ўйларди чоғи.

— Қизим, сен бирон мартга шотутни гулини кўрганимисан?— деди онам тўсатдан тетиклашиб.

— Йўқ, ая, шотут гулламайди шекилли,— дедим қувноқ оҳангда онамнинг кўйига берилиб.

— Тўгри, гулиям, мевасиям битта бўлади. Шуни хеч ўйламаган эканман. Ҳақиқатда гулиям, мевасиям битта бўлади.— Онам яна жимиб қолди. Шотут ҳақида гапирса ҳам ичиди бошқа нарсаларни ўйлар ва қай тарзда менга айтиш иложини ахтарар эди.— Улар ҳалиям ўша ҳовлисида туришади... Шотут ҳалиям бормикини ё кесиб ташлашганимкин?.. Дадангам билмаса керак. Агар кесиб ташлашмаган бўлишса, насибам қўшилган бўлса, балки оғзим тегиб қолар... Мени насибам қўшилмаган бўлса,

сени оғзинг тегар. Бир тўйиб евол. Дори. Аслида ҳамма тутлар дори. Ёшлигимизда балхтутни юзимизга суртардик. Оқартиради, дейишарди. Эртага сўраб олиш эсимдан чиқмасин — ўша ҳалиям бормикин...

— Кимдан сўрайсиз, ая?

Онам бир менга қараб олди-да, ҳушига қайтгандек, ўйланиб қолди.

— Жон болам... Даданг бугун ўша... «Шотут амакингни» учратиб қопти,— деди онам саросима аралаш жилмайиб.— Ўғли бўларди. Сен уни кўргансан. Эсингда борми? Оти нимайди-а? — Онам бир оз хаёлга кетди, бироқ эслай олмади.— Инженер бўпти. Яхши ишда ишлармиш. Агар ота-онасига тортган бўлса, кўҳлик бўлиши керак. Сендан уч-тўрт ёш катта атиги... Ўша «Шотут амакинг» сени эслапти, суриштирипти, салом айтвoriпти... Битта омонат гап айтвoriпти, шуни айтишга дъданг ботина олмапти ўзингга. Шунга нима дейсан, қизим?

Юрагим тўлиб кетди. Онам охиригача айтмаса ҳам аллақачон гап нима ҳақда кетаётганини тушуниб ўтирипман. Шунинг учун «совчи юбориш нияти бор экан» ёки «одам юборишса майлими, рози бўласанми, қизим, бизга қолса, биз розимиз» қабилидаги умумий гапларни кутмадим, бу азобдан онамни қутқариш учун:

— Майли, ая, сизлар шуни муносиб кўрибсизлар, мен розиман,— дедим.— Мен учун муҳими сизсиз, ая. Зора дилингиз ёришиб, дардларингиз нари кетса! Ишонаман, ая, сиз албатта тузалиб кетасиз. Қаердадир ўқидим, агар одам ё қаттиқ қўрқса, ё қаттиқ хурсанд бўлса, касали ўз-ўзидан чекинармиш! Бир одам тугма соқов экан, бир умр бирон қалима гапирмаган экан. Нима бўпти-ю, бир каттакон ит қувипти. Шунда қўрққанидан овози чиқиб кетипти. «Войдод! Қутқаринглар!» — деб юборипти. Кўрдингизми, ая, қанақа мўъжизалар бўлади!

— Қани энди, болажоним, ўша мўъжизалардан мен гаям ато қилса...

Ошхонага кўзим қизариб, қовоғим шишиб чиқсам, да-

дам шўрлик ўз жазосини кутаётгац маҳбусдек кўзлари жовдираб иочор бир тусда ўтирган экан, ўриидап аста туриб, савол назари билан менга тикилиб қолди. Мен унга тасалли берини учун жилмайиб қўйдим, аммо барини дадамнииг қиёфасидан ҳадик ва ёлворишга ўхшаш алла-қандай забуилик аримади. У менинг юзимдаги табассумни инжик ва арзанда қизиппинг истеҳзоси, деб фараз қилди чоги, аранг тили калимага келиб:

— Мен аяигини ўйловдим, қизим, фақат аяигни,— деди ва яна ўқиничли умид билан менга тикилиб қолди.

— Менам, дада,— дедим тақрор жилмайиб.— Менам аямни ўйладим. Розиман.

Дадам доинг қотиб қолди. У ўзи мени янгича руҳда тарбиялаган — бўёғи китоблар, фильмлар — шунинг учун менинг бўйсуннини ҳаёлига ҳам келтирмаган. Бу фавқулодда тадбир — мажбур чора, агар онаминг аҳволи оғир бўлмаганида, биламан, дадамнииг ўзи бунақа амални қўлламаган бўларди. «Мен аяигга севиб уйланганиман,— деган дадам менга бир исча бор,— аяиг ҳам мени яхши кўрган. Айниқса сен туғилганингда қувоичимиз ичимишга симаган. Мен аяигдан бўлак ҳеч кимга қўигил қўймаганман. Биз жуда баҳтли бўлганимиз. Сен ҳам биздек баҳтли бўлишингни истайман. Бунинг учун фақат севиб, муҳаббат асосида турмуш қуришинг керак. Сенинг севганинг ким бўлса, куёвим ўша...»

— Яқнироқ ке,— деди дадам ҳаяжондан эптишиб. Олдига бордим, дадам елкамдан қучди, менинг кўксига бошимни қўйдим. Юраги дук-дук уради.— Кечир, она қизим, менинг бошимизга шунақа кунлар тушади, деб ўйламовдим. Бўлак чора топа олмадим. Сен билан маслаҳат қилишинг юрагим дов бермади. Ё агар... шима десамикин... қўнгил қўйгани биронта...

Мен бош чайқадим. Дадам жимиб қолди, ютипди. Юраги ҳамон безовта гурсиллар эди. Чаккамга қайноқ томчи «чак» этиб тушди...

* * *

Күёвни ЗАГС идорасига борганимда кўрдим. Аслида дадам ҳам, онам ҳам «учрашинглар, танишинглар», деб бир-икки қисталаиғ қилишди, аммо мен унамадим. Бари бир муҳаббатсиз турмуш қуарканман, кўриб нима қилдим, куёв чиройлими-хунукми, ақллими-тентакми, нима фарқи бор? Қапақа бўлмасин, бошимдан «шов» этиб сув қўйиб юборгандек бўлади, ўғига кўникаман-кетаман. Тurmushing, ҳаётинг, ёстигинг, фарзаидинг бир бўлгандан кейин кўникмай қаёққа борасан? Ҳатто бориб-бориб яхши кўриб ҳам кетасан киши, авваллари поз-фироқ қилганинг ўзингга кулгили бўлиб туюлади. Озмунчами бунақалар? Уч-тўрт йил ўтгаидан кейин, «ҳой, қиз, севгисиз эрга теккансан, қўй бу турмушингни», деганинг кўзини ўяди. Балки мен ҳам шунақа бўларман, турмушимга биронта одам раҳна солмоқчи бўлса, итдек таларман, тиш-тириогим билан ҳимоя қиларман. Тўгри, шунақа дугоналаримиз ҳам борки, муҳаббат ўтида ёнимаган бўлсалар-да, бир оқимга тушиб қолган рўзгорларини бузишни истамайдилар, бола-чақа, оила-юмуш, деб ўтаверадилар, ҳатто шу турмушдан ҳам ўзларига яраша қувонч оиларини топа биладилар. Яхшидир, ёмондир, эр номи бор-ку, бўлди-да. Кимииниг эри хотинини ардоқлаб бошига қўйиб юринти, қайси эр сафарга кетса бир ҳафта ўтмай хотинига алангали мактублар ёзади? Бунақангি мактуб ёзилганда ҳам, эр ўёқда қолиб, хотинининг ўзи ўсал бўлади. «Э, бач-кана бўлмай қолинг», деб мактубини йиртиб ташлайди. Бир куни кўчада галати бир нарсанинг гувоҳи бўлдим, эр-хотинлиги шундок сезилиб турипти. Ёшлари ўттиздан ошган ё ошмаган. Эри ариқдан ҳатлаб ёрдам учун хотинига қўл чўзувди, хотини эрининг қўлини шапатилаб қайриб ташлади, ҳаёсиз иш қилгандек, ўзи қизариб кетди.

Кўп ҳолларда эътиборсиз муносабатни аёлларимизнинг ўзлари тугдиришлари ҳаммага аён-ку ахир. Эрим бир қизик воқеани галириб берган эди: тог йўлида бир

киши эшакда келаётган танишини учратиб қопти, ўн қадамча ортида паҳмоқ рўмол ўраб олган аёл ҳам келаётган экан. «Йўл бўлсин, ошна?» — деб сўраган экан, эшак минганд таниш: «Хотиним қасал бўлиб қолди, қишлоқда олиб кетяпман», дебди. Ўйлайманки, агар эри эшакдан тушиб бемор хотинини ўтқазмоқчи бўлганда ҳам хотини сира рози бўлмас эди. Ўз мантиқи бор. Қанақа ғап: хотин эшакда, эр эса пиёда!

Шундай қилиб, бўлажак эримни ЗАГС идорасида кўрдим. Бу — баҳтми, омадми ёки аксими? — билмадим. Ҳар қалай, кўзим «унга» тушганда, юрагим шув этиб кетди. Бинойидек йигит, бўйи баланд, қошлиари қуюқ, кўзлари шаҳло, қунт билан қиртишлаган соқолининг ўрни кўм-кўк. Эгнида қора костюм, оқ кўйлак, қалампиргулли қизил галстук. Костюм енгидан биллур кўзли запонка тақилган кўйлак манжети кўришиб турити. Бизни таниширишди. Уятчан жилмайиб, қўлимни сикди. Кафти нам, қўли андак қалтирас эди. «Хайрият, деб ўйладим ичимда, ҳаяжондан қалтираяпти, ориятли йигит кўринади. Демак, ишларимиз мен ўйлаганича чатоқ эмас экан. Ташқиси-ку дуруст, аммо ичинидан қанақа тухфа топаркинман...» ЗАГС га ариза ташлаб, орқамизга қайтдик. Мухторнинг ўртоғи ресторанга таклиф қилди, аммо мен унамадим. Мухтор ўртоғига «қистама» деган маънода ишора қилди, улар дугонам иккевимизни уйимизга машинасида элтиб қўйишиди.

— Лутфияхон,— деди Мухтор мени четга тортиб.— Қачон учрашамиз энди?

— Тўйда,— дедим мен қиёфамни ўзгартирмай.— Агар, албатта, унгача айниб қолмасангиз.

— Йўғ-э, Лутфияхон, унақа демаңг,— Мухтор ўзини бир зум йўқотиб қўйди.— Агар ўзингиз айниб қолмасангиз...

— Ўйлаб юрган тасаввурим бугун сиз фойдангизга ҳал бўлди,— дедим ўша алпозда, лекин билинар-билинмас истеҳзо билан.— Мендан хавотир бўлманг.

— Ҳар қалай биз ҳали деярли таниш эмасмиз, бир-биirimizни яхши билмаймиз. Қолаверса, мен сизни кўришни истардим,— деди Мухтор бир оз дадилланиб.

— Тўйдан кейин тўйгунингизча кўраврасиз.

Мухтор гап топа олмай қолди. Албатта-ку, гап топа оларди, аммо ножӯя сўзлаб қўйишдан чўчиб, ўзини тутди, одоб сақлади. Биламан, сўзларим уни энди ўйлантириб қўяди. «Қанақа қўрс, бетгачопар қиз экан ўзи? Биринчи учрашувдаям шунақа тутадими ўзини? Мен унга уйланяпманми ё у менгами?» — деган ўйлар миясини пармалайди. Яхши қилмадим, албатта. Буни ўзим ҳам тушупдим. Одатим қурсин. Нуқул шу одатим орқали панд ейман. Оқибати нима бўлишига ақлим етиб турса-да, ўзимни ушлай олмайман. Аттаиг. Яхши бўлмади. Гуурига тегиб кетдим. Тағинам вазмин йигит экан, унинг ўрнида мен бўлганимда, шартта бурилиб кетворган бўлардим.

— Ихтиёрингиз,— деди у бир оз маъюсланиб.— Агар иложингиз бўлмаса...

— Кечиринг,— дедим хиёл юмшаб.— Ҳолатимни тушунарсиз, деб ўйлайман. Хабарингиз бор, онам бетоб, бошқа нарсалар юрагимга сигмайди. Кечиринг.

— Сиз мени кечиринг, Лутфияхон,— деди Мухтор самимий руҳланиб ва негадир қизариб кетди.— Мен ўзим бетамизлик қилиб қўйдим. Кечиринг, бу томонини эсдан чиқарибман, қараиг. Онангизга мендан соглиқ тилаб, салом айтиб қўйинг.

— Раҳмат...

Ҳаш-лаш дегунча тўй ўтди. Ҳаммаёқда шодиёна, ўйин-кулги, фақат менинг ичимга чироқ ёқса, ёримайди. Онамнинг аҳволи кун сайин оғирлашиб бормоқда. Ҳатто тўй куни ҳам «Тез ёрдам» икки марта келиб оғриқни сездирмайдиган морфийдан укол қилиб кетди. Қариндошуруглар, қўни-қўшнилар билан уйимиз тўла, ҳаммалари юмушда. Стол ўрнатишяпти, дастурхон тузашяпти, идиштовоқ ювишяпти, пастдаги тунука гараж ёнига ўрнатилган ўзоқ томондан жаз-буз товуши келяпти. Фақат мени

онамнинг олдидан қўзғалмайман, шунга қарамай гоҳ «У нарса қатда?», «Бу нарса қатда?» — деб киришади, туришга мажбур бўламан, чунки хизматдаги одамлар нима қаерда турганини билишмайди. Дугоналаримнинг баъзилари ўну онам ётган хонада чурқ этмай ўтиришилти, мени нардоz қилишни кутишяпти. Дард бир оз қўйиб юборса, онам инграшдан тўхтаб, арант қўзларини очади, кулишга ҳаракат қилиб: «Тур, болажоним, ўзингга яраша ишларинг бор, бажарвол, мени қўявер», дейди. Шу алпозда кеч бўлди. Дугоналарим ёрдамида оқ гипюрдан тўй либосини кийдим, сочимни тарадим, уна-элик суртдим. Кимдир қора бўёқ узатувди, олмадим. Нима кераги бор? Бари бир кўз ёшларим билан афтиимга суркалиб кетади. Бари бир юзимдаги ҳарир ридони очмайман.

Хуллас, күёвникига кетадиган пайт ҳам келди.

Онамни кучоқлаб ўрганимда, онам морфий таъсирида осуда ухлаб ётарди. Мени аранг ажратиши, хонада кимки бўлса, ҳаммалари тик турган ҳолда менинг баҳтимни тилаб фотиҳа ўқишиди. Дадамни маҳкам қучиб бир неча кундан бўён қиртишламаган пам юзидан ўпдим. Дадам ўзини зўрга йигидан тийиб, мени итаради, бағридан ажратмоқчи бўлади, мен баттар ёпишаман.. Шуни айтишими керакки, бугунги тўй маросими ва умуман, тўй билан боғлиқ бўлган барча тадбирлар мен учун ўта носамимий, сохта ва қўпол бўлиб туюлди.

Лйниқса, күёвлар келгандан кейин ижро этилган ашуналар жуда эриш кўринди, қани энди мумкин бўлса-ю, ҳаммасини ҳайдаб солсам... Күёвникига етиб борганимизда микрофон орқали ҳаммаёқни ларзага солган «Тўйлар муборак» ашуласи менга ҳақоратдек бўлиб янгради. Тўй оқшоми, зиёфати қандай ўтганини билмайман. Аллакимлар келин билан күёвнинг шаънига табрик сўзларини айтиб, қадаҳлар кўтаришяпти, қарсаклар чалиньяпти, машвоқлар қўшиқ айтишяпти, раққосалар ўйинга тушиб чирпирак бўлишяпти, қани энди биронта сўз ё қўшиқ қулоғимга кирса, биронта аскиядан жилмайсан.

Бошимга оғриқ кирди. Буткул хаёлим шу тонда оғриқдан инграб ётган онамда, юзини тўсиб унисиз йиглаётган дадамда. Ажабо, иега энди шупақа?! Нега энди йиглагинг келганда кулишинг, истамаган нарсангни бажарининг, ёмон кўрганингли мақташинг керак? Бу масхарабозлик кимга керак? Онамгами? Онам бечора ҳеч нарсани сесмай, ҳушсиз ётилти. Дадамгами? Дадам онамнинг дардига чора топа олмай қай бурчакда тўлганиб мункайиб ўтирганин? Е менгами? Бу наъралардан бошим гов, қўзим нам, алам билан зўрга ўтирибман.

Ниҳоят қуёв билан мени ичкарига олиб киришди. Елгиз ўзимиз қолдик. Кўнглим бехузур, безалган каравот четига ўтирдим. Мухтор бошимдаги ҳарирни олиб, юзимга қаради. Кўзларимни юниб олдим. Ўзимни қўлга олишим лозим. «Етар, бас, бўлар иш бўлди, қуёвнинг ҳам таъбии хира қилиб юбордим». Лекин хўв боя бошимга кирган оғриқ борган сайни зўраймоқда, икки чаккам лўқиллаб, пешонам тарс ёрилиб кетай дейди. Мухтор аллакималар билан овора, нима билан — билмайман, чунки оғриқдан кўз очишга ҳеч қандай мадорим йўқ. Ташқаридан аёлларнинг овози, идиш-аижомларнинг жаранги, ҳали кетиб улгурмаган меҳмонларнинг маст-аласт валдирашлари қулогимга чалинади. Эшик қулфининг қирс этиб ёпилгани эштилди.

— Лутфия!

Араиг кўзимни очдим, юрагим шув этиб кетди: рўпа рамда майкачан, кўкраги жуидор Мухтор туради.

— Шунча ўтирдик, шунча кулги-ҳангомалар бўлди, бирон марта лоақал жилмайиб кўймадингиз-а,— деб ни санда қилди Мухтор.— Битта сизнинггина онангиз бор экан-да дунёда...

Мана, мени тушунадиган, ардоқлайдиган бўлажак эримдан дастлабки никоҳ кечасида чиққаи гаплар. Хўрлигим келди, юзими кафтларим билан тўсиб, юм-юм йиглай бошладим. Мухтор жимиб қолди. Ноjёя сўзлари учун пушаймон бўляпти, деб ўйладим йиги аралаш. Ҳозир

юпатади, бирон илиқ сўз айтиб, кўнглимни кўтаради, узр сўрайди, ҳозиргина айтган заҳарли писандани юваб ташлашга уринади, деган умид дилимдан ўтди. Бироқ Мухтор мени ёнига ағанатиб, суллоҳларча ўпа кетди. Менга ҳозир бунақангি ҳаракат мутлақо ёқмайди, гашим келади, ижирганаман, ҳазар қиласман, у бўлса ўзини тия қолмайди, қўлларимни юзимдан айриб, ёшли қўзларимдан, томогимдан ўпади, юзимни ўгириб, баттар йиглайман. Мухтор кўксими кўксимга босиб лаблари билан лабларимни ахтаради, баданимни пийнаслаб, кийимимни тортқилайди, ечиб ташламоқчи бўлади, яна титроқ лабларини бўйнимга босади. Нимадир демоқчи бўлиб, уни итариб ташлашга уринаман, аммо кучим етмайди, мен қаршилик кўрсатганим сайин, у зўраяди, кўкракларимни чанглалайди, тижимлайди, оғритади. Пировардига кўнглим айнади, қайт қилиб юбордим...

* * *

Тўйдан кейин ҳафта ўтмай, онам узилди.

Тўйнинг эртасига ёқ узраб, ўз уйимга, онаминг олдига югурдим. Уйда бир-иккита қаришдошларимиз қолиб, ҳамма нарсаларни саранжом қилиш билан банд эдилар. Онам хийла тетик, ёнида дадам мунгайиб ўтирган экан. Онам мени кўриб, кўз қирини ташлади. Энгашиб қучоқладим, ўпдим, яна ҳалқумимга тош қадалди, бироқ ўзимни тутдим. Онам нимадир демоқчи бўлди, аммо мадори етмади. Ёки аъзолари қота бошлаганими, хошишига бўйсумаяпти. Мени янги турмуш билан табрикламоқчи бўлди чоги. Дадам пешонамдан ўпиди, кўзимга тикилди.

— Қизим, келиб чакки қиссан,— деди дадам.— Кечак тушган хонадондан бугуноқ...

— Ўзлик ўзи руҳсат беришди.

Ҳақиқатда келин бўлиб, шойи лозим кийиб, саломга чиқмадим, ҳовли супурмадим, қайнонамга чой тутмадим. Қоронги тушганда кириб бораман, эрта билан яна

үйимга чопаман. Тагин ҳам қайнона-қайноталарим яхши одамлар экан, чурқ этишмади, қайтага қайнонам менга қўшилишиб бир-икки марта келиб кетди ҳам. Мухтор кун ора шу ерда, ишдан бўшади дегунча, этиб келади, ҳамдард бўлади, ниҳоят дадам қистайвергандан кейин, ўрни миздан қўзгаламиз. Мухтор бизникига дастлаб борганида, «куёвингиз» деб таништиридим, онам аранг қўлини кўтарувди, имо қилдим, яқин келиб энгашди, мен онамининг қўлини баландроқ қўтариб Мухторнинг елкасига қўйдим. Шундай қилиб куёв-қайнона танишишди. Онам дадамга кўз ташлади, дадам дарҳол тушуни шекилли, дуога қўл очди, бизга баҳт-саодат, онамга умр тилади.

— Ая,— дедим мен онам томон энгашган ҳолда ўзими ни мамнун кўрсатиб.— Шотут ҳалиям боракан. Яхши тугипти, меваси кўп. Ўзим кўрдим. Қудангиз айтдилар, шотут дегани, шоҳ тут сўзидан келиб чиқсанакан. Яъни, тутлар шоҳи, деган маъниони билдиаркан. Айни ёз пайтида пишаркан. Ўзим териб опкеламаи, иккаламиз маза қилиб симиз, ая...

Тут пишганда онамининг қабридан сабза урган майсалар аллақачон сарғайиб, хашакка айланган эди. Биринчи шотут мевасини оғзимга соганимда, шотут эмас — тикан ютгандек бўлдим, ўтим янгиланди, ликопдаги шотут ейилмай, бужмайиб қолди, ҳовлига опчиқиб қўйдим, қушлар чўқилаб кетищди.

Бир йил ўтар-ўтмай қайнотам ҳам дунёдан ўтди. Одамлар «оллонинг каромати, мунақа осон ўлимни атаган бандасига беради», дейишди. Ҳали ҳам ёдимда: ишдан келсан, ҳовли тўла айюҳаниос, қий-чув, йифи. «Адангиздан айрилиб қолдингиз, Лутфияхон!» — дея қайнонам фарёд аралаш қўлларини тиззасига урди. Бориб қайнонамни қучдим, кўзимга ёш тўлди. «Қачон? Нега? Адам соппа-соғ эдилар-ку!» — дейман нуқул. Қайнотам нонуштадан кейин бир оз хомток қилипти, гулларга сув қуйити. Шанба куни одатда қизиқ қўрсатувлар бўлади, қайнотам даҳлиздаги телевизор олдига кресло қўйиб, ~~тотони кўлга олди~~ дарслап-

ти, қайнонам ўз юмушларидаи бўшаб, бир чойнак чой олиб борипти. Қараса, эри иягини кўкрагига тираган ҳолда ухлаб қолинти. «Ичкари кириб ёта қолинг, ҳой дадаси!» — деб салгина туртган экан, қўли креслонинг суюнчиғидан сийғаниб, жасади қийишайиб қолинти. Мен уйга келсам — ҳамма нарса таҳт. Маҳалламиз одамлари жуда аҳил, киши бошига ташвии тушса, қараб туришмайди, ҳар қанча иш бўлмасин, бажариб ташлашади. Албатта, барча юмуш ва тадбирлар маҳалла оқсоқолларининг маслаҳати билан амалга оширилади. Неча асрлардан бўён сақланиб келаётган анъаналаримиз бўйича айниқса қариялар бизда катта ҳурматга сазовор, ҳеч ким улариниг маслаҳатидан чиқиб иш кўрмайди, гапини икки қылмайди. Улариниг маслаҳатига кўра, қайнотамнинг жасади шу бугуноқ ерга қўйиладиган бўлипти. «Бехабар уруғлар ҳали кўп, улар ўпкалашади», деган мулоҳазаларни ҳам ёътиборга олишманти. Маҳалла оқсоқолларининг қарори шу бўлипти. Бундоқ қараганди, маҳалла аҳлиниң «шошибалоқлигига» ҳам жон бор. Иегаки, кун иссиқ, жасадин кўп ушлаб бўлмайди, қолаверса, эрта саҳаргача яна аллақанча вақт бор, кафалангани мурда уйнииг ўртасида ётаверса, кечаси ҳам ҳеч ким кўз юммай, йиги тўхтамайди, одамлар керагиди кўи уринишади, азият чекишади. Тобут қанча тез кўтарилса, ҳам шуича тез кўнишилади. Унинг устига аза билан боғлиқ бўлган анча-муича ташкилий ишлар бор, одамлар юмуш билан чалгийди — алаҳсийди, кеч бўлади, тоғ отади, шу алпозда вақт ўта бошлайди.

Бу оиласа тушганимга уч йил бўлганда Паргиза түғилди. Ўзбек оиласи учун уч йил мобайнида фарзанд түғилмаса уйдагилар ҳам, қўни-қўшини ҳам бошқача қарай бошлиайди. Ўзим ҳам аллақандай покулайлик сезадиган бўлиб қолдим. Фақат Мухтор бу ҳақда бирон марта оғиз очмади. Бу, албатта, фарзанд пайдо бўлишига Мухтор қарши ёки лоқайд деган гап эмас. У фарзандни кутарди, мен бунга аминман, фақат мени аяр, раижитиб қўйишади ҳайиқар эди. Бундай олиб қараганди, у нима деб

нисандада қилиши мумкин? Кўрни кўр деб айблаш — бу ўтакетган ҳақорат-ку. Аёл кишини тугмасликда айблаш, аёл кишининг энг нозик ва муқаддас туйғусини поймол қилиш билан баробар, кейин бир умр фарзанд кўра олмай армонда ўтаётган аёллар ҳам учраб туради. Улар биринчи йўл қўйган хатоларига, институтни тугатиш имконийликни керак ёки энди институтни тугатиб ишга кирдим, дарров декретга чиқиб кетиши нокулай қабилида турли сабаблар ахтаришади, аммо бари бир шу ҳолда ҳам уларни айблаш қашчалик тўғри, билмадим, чунки улар биринчи ҳомилани аборт қилиб ўзларини ўзлари жазолайдилар, ҳаётнинг энг улуғ лаззатидан, баҳтидан маҳрум бўладилар. Очиғини айтсам, Наргиза туғилмагунча мен ҳам бу баҳтдан йироқ эдим, ўзимни она сифатида мутлақо тасаввур қила олмасдим, фарзанд деганда, боланинг йиғиси, касали, харҳашаси, уйқусиз кечалар кўз ўнгимга келарди. Тўғри, буларсиз бола катта бўлмайди, албатта. Лекин ёпнингизда ухлаб ётган бир бегуноҳ инъом, унинг илк кулгиси, кўкракни оғзига олиб мунҷоқдек кўзлари билан онасига тикилиши, унинг таний бошлаши, биринчи тетапояси, қўлига тушган нарсанни оғзига олиб бориши, ишдан қайтганда онасига қийқириб бетоқат талпиниши, жажжи қўлчаси билан зирақ аралаш қулоқни чанглаб тортқилаши, севинчда қўққисдан айтиб юборган дастлабки сўзлари — буларнинг ҳаммасини дуниёда нима билан тенглashingтириб бўлади?!

Наргизага оғироёқ бўлганимда, ҳамманинг назарида мамнунлик аломатларини сездим. Қайонам андишали, ориятли аёл, авваллари индамай юрди, ойлар кетидан ойлар ўтған сайин кўнглида гулгула тугила бошлади чоги, бир-икки марта гап очиб ҳам кўрди.

— Адангиз раҳматли неварава кўрамикинман, эркалатармикинман, деб орзуисига столмай ўлиб кетди шўрлик. Менам қариб қолдим, зора у кўрмаганини мени кўрсам.— Шу сўзларин ўқинч билан айтаркан, қайонам менга узоқ тикилди. Мен нима ҳам деб овутнишим мумкин, чучвара

тугишда давом этдим.— Кўзингиз тушганцир балки, Сокинахон деган жувон бор, магазинни ёнида туришади. Шу жувонга суюнаман. Ўн йил деганда бўйиди бўлди. Ўзиям хўп қаратди, неча марта Московларга бориб келди. Эриям вазмин йигит экац, чидади, кутди. Бўлмаса ўзи қанақа танти, бадавлат, топармон йигит, дўпписи тушиб кетса, пул бериб олдиради. Сабр қилди, мана, мунчоқдек ўғилчаси бор...

Наргизанинг дунёга келиши минг-минг қувончлардан ташқари саросималар тугёнида беҳаловат бўлиб келаётган қалбимга осойишталик, эрим билан менинг ҳаётимиздаги омонатликка бир қадар мустаҳкамлик ато этгандек, Мухтор кўзимга жозибали ва қадрдонроқ бўлиб кўрипа бошлади. Умуман, Мухтор тузук одам. Мулойим, камтар, мулоҳазали, вазмин. Ичмайди, чекмайди, ноўрин рашклар, бачкана қилиқлар, ноҳақ талаблар билан одамни қийнамайди. Хулласи, «орзу қилса арзийдиган» йигит. Аммо шунга қарамай бизнинг муносабатимизда чақмоқ ўтидек лов этган дамлар рўй бермади. Ҳаётимиз ими-жимида, захоб сувидек жилдираб оқа бошлади. Бирин-кетин ишдан келамиз, овқатланамиз, бир оз телевизор томоша қиламиз, хонамизга кириб ётамиз, тоңг отади, яна ишга жўнаймиз, баъзан шанба, якшанба кунлари ўртоқлариникига меҳмон бўлиб борамиз, уларнинг оғиз тўла тилла тишли хотинлари билан чақчақлашиб, яна уйга қайтамиз, кейин меҳмондорчилик одат бўйича бизникида бўлади, яна ўша неча марталаб эшитган эски гаплар, ҳангома, яна узунданузун хайрлашиш... Бундан ташқари, баъзан бизникига дадам келади ё биз уларникига борамиз. Дадам табиатан анча самимий одам. Қуёви қизи билан уйига кириб борганини кўриб ўзида йўқ хурсанд бўлиб кетади, мени юмушга уринтирмай, ўзи ошхонада тарақ-турүк қилади, таомга уннайди. Мен биламан, бошқача мухитда ўсган Мухторга дадамнинг бу «эрқакларга хос бўлмаган» ҳаракатлари ёқавермайди, шунинг учун «куёвингизнинг олдига киринг, ёлғиз қолди», деб дадамни ошхонадан чиқариб

юбораман, юмушдан бўш пайтларим ўзим ҳам кириб ўтираман, уларнинг сухбатига қулоқ соламан. Мухтор бизнинг уйга неча марта келган бўлса, бирон марта яйраб кулганини, овозини баланд кўтарганини билмайман. Мухтор дадам билан вазмин, мударрисларга ўхшаб гаплашади. У қурилиш трести бошлиғи, балки унинг босиқ ва сермулоҳаза қиёфаси амалининг тамғасидир, шунинг учун ҳовлиқиц, маҳмадонагарчилик қилиш унга мутлақо ёт нарса. У нафақат ўз сезгисини, ҳатто менинг ҳам баъзан гуркираб кетадиган ҳиссиятимга сув пуркаб туради. Бир-икки марта онасининг олдида Наргизани суюб ўпганимни, багримга босиб эркалаганимни кўриб менга танбеҳ берди, ҳаракатимдан хижолат бўлди. Лекин шунга қарамай Наргиза турмушимизга бўлакча маъно, тотувлик олиб кирди, дилимизни хижил қилиб юрган губорни тарқатиб юборди.

Шу зайл вақт ўтаверди. Қайним Саттор икки йил деғанда армия хизматини адо этиб, қайтиб келди. Қайнонам билан Мухтор уни уйлантириш тараддудига тушиб қолишиди. Бу пайтга келиб Мухторни министр муовини қилиб тайинлашган эди, тўй баҳонаси уй торлиқ қиласади, деб биз Мухтор билан Ленин хиёбонида қурилган кўп қаватли бинодан ажратилган тўрт хонали квартирага кўчичиб ўтдик. Қайнонамнинг боди бор, қиши яқинлашганда у ҳам бизнекига кўчичиб келди. Наргиза бувисини яхши кўради, бувиси ҳам Наргизани на ерга, на кўкка ишонади. Бу томонидан кўнглимиз тўқ. Фақат янги уйга кўчичиб келганимиздан кейин аввалги ишлаб юрган мактабим олислик қилиб қолди. Қатнашнинг ўзига икки соатга яқин вақт кетади. Асабим бир аҳволда, унинг устига йўл мешаққати, қийналиб кетдим. Чилпарчин бўлиб уйга келаман, бошим оғрийди, қўлларим қалтирайди, кўзимни оча олмайман. Портфелим тўла ўқувчиларнинг даста-даста дафтarlари, текшириб баҳо қўйиш, ўқув плани, конспект тузиш керак. Хайриятки, қайнонам бор, кунимга ўша бечора асқотади. Мана, мактаб ишларидан узоқлашганимга бир ойча бўлиб

қолди. Мухтор Наргиза билан келиб мейдан хабар олиб туришади. Шундай келинларпинг бирида Мухтор, «янги иш топиб қўйдим, деди, унчалик диққатвозлик йўқ, сенбоп иш». «Қанақа иш экан?» «Ўқитувчилар малакасини ошириш институти, энди ўқувчиларни эмас, истасанг, ўқитувчиларни ўқитасан. Уйимизга яқин, яёв беш минутда етса бўлади. Маориф бўйича жорий қилинаётган янги ўқув методикаси билан ўқитувчиларни хабардор қилиб туришга ўхшаш ишлар экан. Ўйлаб кўр, ўзингга қулай бўлади...» Мен тайип бир жавоб бермадим, «ўйлаб кўрарман», дедим. Лекин ҳозир, Манион билан танишганимдан кейин, аниқ биламан, мен муқаррар эрим тавсия қилган институтга асло бормайман...

Палатам эшиги тақиллади ва эшик тирқишида бошига оқ пешонабог ўрагал ҳамшира қиз кўриди:

- Сизни телефонга сўрашяпти.
- Ҳозир.

Ягона телефон аппарати бўлим мудирининг қабул-хонасига ўринатилган, ўша ёққа ошиқдим. Хайрнат, у ерда ҳеч ким йўқ экан, бўлим мудири беморларни кўргани чиқиб кетган кўринади. Жигигалак шнурли телефон трубкаси столда ётини.

- Алё,— дедим бир оз ҳансираф.
- Лутфия, салом, бу — мен,— деган Мухторнинг овозини танидим.— Тайёрмисан?

— Умуман тайёрман,— дедим менинг адаби ҳаяжонланиб ва беихтиёр кўз олдимга Манионнинг иродали, аммо сокин қиёфаси келди.

— Нега тутилиб галирятсан?— сўради Мухтор бир қадар безовталапиб.— Овозинг ғалати. Ўзинг яхшимисан?

— Яхшиман,— дедим менинг идора қилишга тиришиб.— Фақат ҳали бюллетенини беришгани йўқ. Ҳозир тушиб кийимларимни алмаштириб чиқаман. Қачон кела-сиз?

- Ҳозир соат ўн бир,— деди Мухтор бир оз сукутдан

кейин.— Соат ўи иккигача улгурсанг — борай, бўймаса шофёрни юбораман. Мени Госплянга чақириб қолишиди.

— Ундоқ бўлса, ўзим такси олиб кетаман, шофёрни юбормай қўя қолинг.

— Овора бўласан-да, такси ушлаш қийин. Соат ўп икки яримга шофёр бориб туради. Хайр. Уйда кўришамиз...

Тавба, аллақаидай юк елкамдан кулагандек бўлди. Трубкани қўйиб палатамга қайтдим, нимадир мени алдагандек туюлди, балконга чиқдим. Чиқдим-у, кўзим Манонга тушди. У балконимиз қаршисидаги катта ариқ лабига қўйилган скамейкада ўтирас, мажнунтолнинг шода повдалари орасидан ҳаяжон билан менга тикиларди. Процедурага бормапти, муқаррар у мени кўрмоқчи, чунки бугун бу ердан чиқиб кетишими билади, фавқулодда кўришмай-хайрлашмай қолишидан қўрқсан бўлса керак. Мажнунтол повдаларини шамол қўзгатгандек мен жилмайиб қўйдим, у ҳам журъатсиз табассум билан ўринидан турди, аммо жойидан жилмади, сеҳрлангандек ўз ўрнида тик қолди. Мен орқамга ўгирилиб хонамга кирдим, халатим чўнтағидаги ойначани олиб аксимига қарадим, кўзларимда алланечук ҳаяжон ва саросимга кўрдим, лекин бари бир палатамда қола олмадим, нимадир мени етаклади, чиқдим...

Шифохонага келгапимнинг биринчи ҳафтаси эди. Тушки дамдан кейин бօғ бўйлаб айланиб юргаи эдим, аллақаёқдан таниш музика товуши қулогимга чалинди. Товуш келган томонни тахмин қилиб, чапга кетган хиёбонга бурилдим, музика товуши яққолроқ эшитила бошлиди. Нихоят кўзим оғир, сербарг шохлари одам бўйи баравар эгилган дараҳт остидаги майсалар орасига қўйилган бўм-бўш, аммо суюнчигига касалхонанинг кулранг халати ташланган ҳаворапг скамейкага тушди. Скамейка ўринидигининг четида қозоз қистирилган эски китоб ва музика садоси таралаётган чарм гилофли кичкина магнитофон турарди. Мен музикани дарров эсладим. Ленинградга борганимда у ердаги аспи-

рантурада ўқиган дугонам билан бир неча марта филармонияга қатнаб шу музикани тинглаганман. Бу Моцартнинг «Реквием» номи билан аталадиган машҳур музика асари. Мен ҳамиша бу асарни мароқ билан тинглайман, таъриф қилиб бўлмас даражада завқ оламан. Моцарт бу асарни оғир касал пайтида аллақандай графнинг илтимосига кўра унинг рафиқаси хотирасига багишлаб ёзган. Венанинг машҳур паркида истироҳат қилиб юрган пайтида Моцарт кўзида ёш билан хотинига, «Мен «Реквием»ни ўз ажалимга ёзяпман», деган экан. Ҳақиқатан, улуғ композитор асарини тугата олмай вафот этган.

Бу изтиробга тўла ҳазин куйни бу ерда ким эшитиши мумкин? Шубҳасиз, музика соҳасида ишлайдиган, шу касбга бевосита алоқадор одам бўлиши керак. Йўқса, бунақа мураккаб асарни ким плёнкага ёзиб эшитиб юради? Кимнинг қўлида магнитофон кўрманг, албатта ҳинд, хоразмча ёки сийқаси чиқиб кетган бачканга ашуналар ёзилган бўлади.

Беихтиёр магнитофоннинг сирли эгаси дилимда қизикиш уйгота бошлиди, атрофга алангладим, бироқ наринарида айланиб юрган беморлардан бўлак ҳеч ким кўринмади. Мен музиканинг сехрли жозибасидан кета олмай, скамейканинг нариги четига омонатгина ўтиредим, аламли тўлқинлар садосига гарқ бўлдим. Аллақандай шарпа диққатимни тортди, беихтиёр четга қарадим. Нарироқда ўрта бўйли, қотма, аммо истараси иссиқ бир йигит синдириб олган шохчасини кафтига уриб турар, бу ерга яқинлашишга истиҳола қилаётгандек эди. Мен музикага маҳлиё бўлиб, унинг келиб қолганини сезмабман. Рухсатсиз ўтириб олганимга хижолат чекиб, узр оҳангидага жилмайиб, ўрнимдан қўзгалган эдим, ўша йигит шошилиб:

— Ўтираверинг, бемалол,— дея сўзларини бир неча марта қайтарди ва келиб скамейка олдида тўхтади.— Қайтариб қўйами ё эшитаверасизми?

Менинг музикага уйғонган ҳавасим сабаб бўлдими ёки музика асарининг тарихидан хабардорлигимни пайқадими,

билмадим, ҳар ҳолда ҳозирги саволни беришда ё синаш, ёки хайрихоҳлик аломати бор эди. Гап шундаки, «Реквием»нинг охирги беш қисмини Моцартнинг ўзи ёзган әмас. Ёзишига улгурмаган. Моцартнинг хомакилари асосида асарни унинг шогирди Зюмайер ишоясига етказган. Шунинг учун бўлса керак, асарнинг бевосита Моцартнинг ўзи ёзмаган қисмлари у қадар таъсирчан чиқмаган, шогирдининг маҳорати етишмаган, устозининг даражасига кўтарила олмаган чоги. Ленинград филармониясида ҳам шу асарни тинглаганимда ўз кўзим билан кўрганиман, еттичи «Лакримоза» қисми адо бўлганда, кўплар туриб залдан чиқиб кетган эди. Ҳалиги йигитнинг саволи — масаланинг шу томонига ишора эди.

— Ихтиёрингиз,— дедим менинг уялиниқираб.— Агар ўзингиз эшитишини хоҳламасангиз, майли, ўчириб қўя қолинг.

Йигит магнитофонни ўчирмади, фақат овозини паст қилиб қўйди. Мен бу йигитни энди танидим. Умуман, бу шифохонада беморлар бир-бирларини кўравериб, беихтиёр таниш бўлиб қолишади, кўз кўзга тушганда хурмат йўлига салом-алик қилишади, ҳол-аҳвол сўрашади, баъзилар бу даргоҳдан ажралмас қадрдон бўлиб чиқиб кетишади. Шифохонанинг ҳашаматли клуби бор, артистлар келиб bemorlar билан учрашув, хонандалар концерт бериб кетишади, бошқа кунлари кино кўрсатилади. Кинонинг тури ҳар хил. Тутуриқсиз бачканаларидан тортиб машҳур, дунёга доғи кетган фильмларгача намойиш қилинади. Назаримда клуб маъмурияти қайси фильм шаҳар экранидан тушиб қолган бўлса, ўшани олиб келса керак. Акс ҳолда кўпчилик bemorlarнинг талабига биноан ҳинд ёки араб фильмларидан бўллагини кўрмаган бўлардик. Қайси бир куни — келганимнинг дастлабки пайтлари эди шекилли — «Ноэль фортуна» номли нозик дид билан ишланган ажойиб бир француз фильмини олиб келишди. Оlamга таниқли машҳур артистлар ўйнашган, берилиб томоша қиласан киши. Бироқ фильмнинг ярмига етмай, одамлар,

«зерикарлп экан, па ашуласи бор, па ўйини», деб чиқиб кета бошлашди. Залда бешта томошабин қолганини кўриб, механик фильм намойишнин тўхтатди, чироқ ёқилди. Шундай бир йигит жанжал кўтарди: «Бошқалар билан нима ишимиз бор, нуя тўлаганимиз, охиригача кўришга ҳаққимиз бор!» — деб туриб олди, механик бўйсунингга мажбур бўлди, ўша йигит туфайли фильмни охиригача томошада қилдик. Ҳозир скамейканнинг нариги четида ўтирган йигит ўша эди.

— Бу парсани биринчи эшитишнингизми? — деди йигит орамиздаги ноқулай жимликни бузди.

— Йўқ, аввал ҳам эшитганман, — дедим мен табассум билан, — Ленинград филармониясида.

— Музика билан шугуллансангиз керак?

— Йўқ, соҳам мутлақо бўлак, — дедим мен. — Шунчаки, қизиқаман.

— Мен ҳам сиздақа ҳаваскорман, — деди йигит сухбатни қувватлаб. Унинг серкнеприк кўзлари ёнақсиз оғзиги юзида айниқса йирик ва ўткир кўринар, узуни бармоқларининг тирноқлари рапгиз, оқ оралаган сал қўнгир сочи гарданингача тушиб турар ва бу ўзига ярашган эди.

— Мен сизни хойнаҳой дирижёр ё композитор бўлсангиз керак, деб ўйловдим.

— Қаёқда, — деди у бир оз мулзам бўлгандек. — Оддий ўқитувчиман. Ўрта мактабда дарс бераман.

Ана холос! Мен дирижёр, деб ўйласам, ўзим қатори oddий ўқитувчи экан. Ҳатто ҳафсалам пир бўлиб кетди. Беихтиёр илжайдим.

— Нега куласиз? — сўради йигит ранжигандек. — Тилла магазинида мудирман, десам, кулмаган бўлардингиз, албатта.

Мен кечирим сўрамоқчи эдим, аммо унинг тутақиб пичинг қилиши гашимни келтирдими, билмадим, менинг ҳам ўжарлигим тутди.

— Албатта-да! — дедим мен ҳам қолишмай. — Магазин мудирини одам деса арзийди! Бақувват дўст-

лари кўп, қаерга чўзса қўли стади. Тагида шахсий машинаси, одамини босиб олса, кимга айни тўнкаришади? Машина тагида қолгаига! Энг яхши қурортларга ким боради? Ушалар! Ўқитувчи нима бўти? Кўлядан нима келади? Кучи етса, ўқувчисига икки қўйиб, аламини олади. Ҳар куни дасталаб ўқувчиларнинг дафтарларини қўлтиқлаб кетади, бошқалар театрга борганда, ўқитувчи кўр бўлиб диктант текширади! Китоб ўқиш, газета кўриш, телевизор томоша қилиш, ўз устида ишлаш, малакасини ошириш, илгор тоялардан бехабар ким? Ўқитувчи. Кўп ҳолларда ўз ўқувчилари билган нарсаларни ҳам билмайди. Бу — сиёсий томони. Иқтисодий томонини олайлик. Трамвай абонементини ҳам ҳисоб қилиб юради. Мактабда ҳам, уйида ҳам дакки егани егани. Магазин мудирининг бир ўтиришда сарф қилган иулини ўқитувчи бир ойда ҳам топа олмайди. Бирорга ўқитувчиман, деса, қизини бермайди. Сиз тагин ўпкалайсиз!..

Йигит баттар оқариб кетди, эътиroz учун сўз ахтариб бир зум ўйланиб қолди. Унинг лабларидан ранг қочиб, қўллари билинар-билинмас қалтирай бошлади.

— Нима десаңгиз денг, аммо мен ўз касбим билан фахрланаман,— деди у ниҳоят тили қалимага келиб.— Ҳалқимиз юз йиллар мобайнида ўқитувчига хурмат назари билан қараган, билимдонлигига шак келтирган эмас. Муаллим сўзи илм сўзидаи келиб чиқсан. Фарзандлари муаллим бўлиб етишинини орзу қилишган. Маърифат, зиё чирогини муаллим ёқсан. Биронта сиёсий тадбири, биронта ҳал қилувчи кенгаш, мажлис, маслаҳат, маърака ёки баҳс муаллимсиз ўтмаган. Муаллимнинг обрўйи жуда баланд бўлган. Муаллим гузардан ўтганида, одамлар ўриидан туриб салом беришган, таъзим қилишган...

— Ҳозир бўлса уч синифни аранг битиргап ё битирмаган чаласавод, аммо пулдор махлуқ тирсагини машинасининг деразасига қўйиб кеккайганича ўтиб кетади, ўқитувчи шўрлик унга салом бериб, автобус бекатида қолаверади.

— Ўқитувчи ўқитади, ўргатади. Ҳақиқий ўз қадрини билган, ўқитувчилик гурурини авайлайдиган ўқитувчи бирорнинг амали ёки киссасига қараб таъзим қилмайди. Акс ҳолда поймол бўлишига ўзи айбдор, аслида ўзи пасть инсон. Бунақа ўқитувчилар табиатан бебаҳт, ўз бурчини топа олмаган, ҳар мухитга мосланувчи хушомадгўй бечоралар. Уларнинг қўлидан ҳатто қабиҳлик ҳам келади. Тили бошқа, дили бошқа, улар талабаларига бир нарсани ўқдириб, ўзлари тескарисини қилишади. Шунинг учун «домланинг айтганини қил, қилганини қилма», деган мақолни ёмон кўраман, ҳеч қачон тац олмайман. Бу зарарли мақол.

— Аммо сиз «бечоралар» деб атагаплар кам эмас-ку. Истасангиз, мен шунча мисоллар келтиришим мумкин, ақлингиз бовар қилмайди.

— Бу икир-чикирларни сиз қаёқдан биласиз, ахир ҳозиргина магазин мудирларини ҳимоя қилаётган эдингиз-ку?

— Мен ҳам ўқитувчиман.

Йигит анграйиб қолди.

— Демак, мени қалака қилибсиз-да,— ўқсииди йигит ва мийигида кулиб қўйди.— Мен бўлсан сизнинг олдингизда қуйиб-пишиб ваъзхонлик қилиб ўтирибман.

— Бунинг нимаси ёмон экан? Четдаги одамга уқдиришдан кўра, тушунган маслакдош билан дардлашиш афзал эмасми? Бизниг дардимиз билан бирорнинг нима иши бор?

— Маслакдош, дейсиз,— деди йигит ўқинч билан.— Беш йилдан бўён тортишиб келаман, «маслакдош» ларимни ҳоли жонига қўймайман, титкилайман. Қани энди самара берса. Кўпинча яккаланиб қоламан. Биз ҳам сенга ўҳшаган олов эдик, қўникиб кетдик, сен ҳам қўникиб кетасан, ҳали эгарланмаган тойсан, жиловлаб олишади, дейишади...

— Жиловлаб олишдими?

Йигит нохуш тарзда елкасини қисди.

— Қайдам... — деди у ва асаб билан магнитофон кла-вишини босиб, музика овозини ўчирди, кассетани ўзгартириб, бошқасини қўйди. — Куй ёқмади чоги, магнитофонни яна ўчириб қўйди.

Орага ноқулай жимлик тушди.

Бу йигит ё ўзини бошқалардан ўзгачароқ, ўз олдига қўйган мақсади йўлида муросасиз, ўжар бир шахс сифатида ўзини кўреатмоқчи, ёки ҳақиқатда ўзи шунаقا — дилида, онгида шаклланган ақидаларни тиш-тирноги билан ҳимоя қиласди, бу ақидалар ҳаёт мезони эканига шак келтирмайди... Бунга ўхшаган «ҳаёт тақозоси»ни тан олмайдиган одамлар ҳамма соҳада ҳам учрайди. «Девоналар» дейишади бунағанги одамларни. Ҳар қалай, қандай бўлмасин, бу йигит биринчи учрашувимиздаёқ, тўғрироғи — тўқнашувимиздаёқ, назаримда, аллақандай қизиқиши уйгота бошлади. Бизнинг мактабимизда ҳам ўжар ва ўз ўжарлиги, муросасизлиги билан ажralиб турадиган, бирорларниң жигига тегадиган, бошқаларниң эса ҳавасини жалб қиласдиган ўқитувчилар йўқ эмас. Масалан — Оқилов Саттор, математика ўқитувчиси. Педсоветларда албатта битта масалага қарши чиқади, ўз мулоҳазаларини кўндаланг қўяди. Фикрларини пухта ўйлаб чиқмайди чоги, кўпинча аслида тўғри фикрлар бўлса-да, уddaлаб уқдира олмайди, пойма-пой гаплари кўпларниң асабига тегади, пироварди, директор уни силтаб ташлаганидан кейин, қўл силтаб яна ўтириб қолади. Аммо ўзи бақувват, билимдон ўқитувчи. Сатторниң қўлида ўқиган кўп ўқувчилар институтга кирмай қолмайдилар. Кироммаган ҳолларида ҳам математика фанидан йиқилмайдилар. Шуни айтиш керакки, бизнинг мактаб шаҳар марказига жойлашган, обрули мактаблардан ҳисобланади. Чет заллардан меҳмонлар келишса, бизнинг мактабимизга кўрсатиш учун олиб келадилар, байрам кунлари Қизил майдон минбарига бизнинг пионерлар гулдасталар олиб чиқадилар... Балки шуининг учундир, кўп ўқитувчилар малака-тажрибаси етарлими, йўқми, қолаверса — педагог-

гик билим, қобилияти мосми, мос эмасми — шу мактабга жойлашишга уринишади. Ва кўп ҳолларда ўз мақсадларига эришадилар ҳам, чунки яширадиган жойи йўқ — «таниш-билиш» деган тушунчалар ҳозирги кунимизда ҳавои, яъни абстракт тушунча эмас. Мактаб бўйича баҳолар кўреаткичи юқори бўлса-да, Саттор ўқитувчиларнинг савияси тушиб кетаётганини пайқаган ва бунинг сабабини фақат бир нарсада — таниш-билишлар ёрдамида мактабга оқиб келаётган чаласавод, пошуд ўқитувчиларнинг мавжудлигига деб тоиган. Шу фикрни у умумий мажлисида дангал айтган. Бу камлик қилиб, Саттор муттасил ўқув йили бошланишидан аввал ҳар бир ўқитувчини синовдан ўтказиш кераклигини, синовдан ўта олмагапларини (Сатторнинг фикрича — бўнақалар 50-60 процентни ташкил қиласидилар) мактабдан четлатиш, уларнинг ўрнига бошқа талантли, тажрибали, ўз ишини дилдан ҳурмат қилган ўқитувчиларни жалб қилиш кераклигини таъкидлаган.

— Бундай қарорга келишга менинг педагогик виждоним тақозо қилянти,— деган эди Саттор сўзинииг охирида.— Келажак авлодимиз қай даражада оянги-саводли бўлиб стишади, бу масъулият, истасангиз — жавобгарлик, бизнинг зиммамиизда! Ўртоқлар, ахволимизга жиддий ва ҳалол қарайлик: ўқувчиларимиз савияси кун сайин пасайиб кетяпти. Бу аччиқ ҳақиқатдан юз ўгириш, кўз опқочиш — бу жиноят! Аввалги йили тўртта параллел ўнинчи синфларни тугатиб кетган бир юз олтмиш талабадан фақат йигирма учтаси институтга киринти, у ҳам бўлса олтитасининг спорт разряди бор экан...

Мажлис аҳли чурқ этмаган ўшаида. Аммо бу сукут — розилик аломати эмас эди. Ҳамманинг ранжиган дилида Сатторнинг «... жиноят», «...таниш-билиш», «...синовдан ўта олмаганларни мактабдан четлатиш...» деган сўзлари қайнар, азоб берар, газаб уйготар эди.

«...Четлатиш...» Кейинчалик вазият шунаقا тус олдики, «четлатиш» сўзи Сатторнинг ўзига писбатан ишла-

тила бошлади. Умуман, ўша кезларда мактабимиз арининг ўясини эслатарди. Саттор билан ҳеч ким саломлашмас, ўқитувчилар тўда-тўда бўлиб директор кабинетига киришар, уйдан алланималарни талаб қилишар, қайтиб чиқсанларидан кейин кўзлари мамнун жовдирар, ўқувчилар эса узук-юлуқ эшитган гапларига ўзларидан қўшимча қилиб висирлашар эдилар.

Исканжакда қолгаи директоримиз Сатторин «вақтича четлатиш» чораси зарурлиги, ғала-ғовур бир оз тингуича уч-тўрт кун кўришмай туришини айтгандан кейин, Сатторнинг дарсларини бўлак ўқитувчилар олиб бора бошладилар. Сатторга ўрганган, унинг таълимини мароқ билан олиб келаётган ўқувчиларга янги ўзгаришлар малол келди. Бир куни кимдир кабинетга кириб, «Иккита ўнинчи синиф, «а» ва «б» дарега киришни истамаянтилар, спортзалда йигилишган, сизни талаб қилишяпти», деганида, директорнинг қўлидаги кўзойнаги стол устига тушди. «Намоийши?!» — деди у босиқ овоз билан ва кабинетидан чиқиб кетди.

Мен ўзим ўша пайтда залда бўлганим йўқ, эшитишмча, директор дарҳол ўқувчилар ўз синфларига тарқалишларини талаб қилипти. Гап кор қилмагандан кейин директор:

— Кимми ёнини оляпсизлар? — деган. — Сизлар ўп йил мобайнида таълим олиб келаётган муқаддас даргоҳ — мактабни ҳақоратлаган иполойиқ одамини ёнини оляпсизларми?! Ахир у ноңкўр нафақат мактабни, аввало сизларни «чаласавод», «савияси паст» деб ҳақоратлади-ку! Агар шу камситишга, ҳақоратга гуурларинг йўл қўйиб чидасанглар, майли, ҳамма нарса жой-жойида қолаверади... Ўйлашиб кўрамиз. Эди синфларингга тарқалинглар...

Албатта, бу ҳодиса мактабимиз маъмурнятипи ўйлашиб қўйган эди. Унинг устига мен ва яна учта ўқитувчи бир бўлиб директор кабинетига кирдик. Директор бизга ҳам ўқувчиларга айтган сўзларини қайтариб чиқди:

— Кимми ёқлаяпсизлар? — деди у бизга таңбех берган бўлиб. — У ионкўр пафақат мактабни, аввало сизларни «чаласавод», «савияси паст», деб ҳақоратлади-ку. Наҳот шунга чидасангизлар? Қандай қилиб қўзингизга қарайди у бетавфиқ?

Тикка турган тўрттала ўқитувчи бир-бири мизга қараб олдик.

— Бўлмаса, мана,— дедим мен ва аввалдан тайёрлаб қўйған имзоли тўртта аризани столи устига қўйдим.— Бизни ҳам бўшатишингизни сўраймиз...

Директоримизнинг қовоқлари осилиб кетди. У, ҳамма ўқитувчилар Сатторга қарши, деб ўйлаб юрган бўлса керак, қийин аҳволга тушиб қолди. Негаки тўртта аризага имзо чеккан тўртта ўқитувчи мактабнинг энг обрўли, идрокли, ўқувчи ва ўқитувчиларниң ҳурматини қозона олган ўқитувчилардан. Мендан истисно, учала ўқитувчиларнинг иш стажини жамласа юз йилдан ошади. Муқаддас опанинг ҳатто Ленин ордени бор. Бунақсанги нуфузли муаллималар мулоҳазаларини назардан четлатиб бўлмайди. Буни албатта, директоримиз яхши тушунади. Бироқ Сатторнинг таңқиди бевосита қаратилган ўқитувчилар-чи? Ахир улар камчилик эмас-ку. «Таниш-билиш» деб бежиз айтилмаган. Уларнинг олчиси ҳеч пукка бўлмайди, қўллари ҳар ерга етади. Обориб опкелишади. Қолаверса, мактабда бўлган шов-шув муқаррар горонога ҳам, министрликка ҳам стиб боради. Битта маҳмадона ўқитувчи деб шунча маломат!..

— Бўлмаса... — деди директоримиз узоқ сукутдан сўнг.— Сизлардан ҳам битта илтимос.— Директорининг овозида мулойим такаллуф пайдо бўлди.— Саттор Одилов билан гаплашиб қўринглар. Менга қолса, розиман. Фақат қилган ножӯя иши учун колектив олдида узр сўрасин. Агар сўрамаса, ўзига жабр, мен бошқаларни қўндира олмайман.

— Айб қилган одам узр сўрайди,— деди Муқаддас опа совуққонлик билан.— Сатторжоннинг айби нимада?

У ҳақ гапни гапирди, холос. Агар ўшанинг мулоҳазалари амалга оширилса, ҳамма ютади. Мактаб ҳам, ўқитувчилар ҳам, айниқса ўқувчилар. Ахир ҳар бир мактабнинг бурчи — ўқитиш, саводли одамларни етказиб чиқариш. Шундай эмасми?

— Шундайку-я... — деди директоримиз ночор рози бўлиб.— Аммо масала анча мураккаб-да... Ҳар бирингиз менинг ўрнимда бўлганингизда қандай иш тутардиларинг — билмадим...

— «Хатога олиб борувчи йўл жуда кўп, ҳақиқатга эса битта йўл олиб боради», — дедим мен Жан Жак Руссонинг ҳикматли сўзларини эслатиб.— Ҳақиқатни кўзлассангиз — йўл битта. Буёги ўзингизга ҳавола. Аризамиз столингизда. Виждонингиз қай йўлни кўрсатса, амал қилиш ўз ихтиёрингизда...

Биз чиқиб кетдик. Директоримиз серрайганча қолаверди. Унинг ахволи ҳақиқатда оғир, қарама-қарши иккита кучнинг орасида қолган, кескин чора кўришдан ҳайиқади. Негаки, шу мактабнинг ўзидаёқ ўттиз йилдан ортиқ ишлаб келади, ўзи ўқитувчиликдан директорликкача кўтарилгац, бир неча ўн йиллар аввал қўйилган талабларга риоя қилиб ишлашга одатланган, ҳозирги пайтларда аввалги услублар янгидан қараб чиқилган, анча ўзгаришлар рўй берган. Директоримиз эндиликда янгича услуб билан иш олиб бориш кераклигини ақлан эътироф этса-да, эскича қўлланима ва режалардан холи бўла олмайди, қолаверса, янгича услублар аслида нимадап иборатлигига тушуниб ҳам етмайди. Унинг устига янгича услуб фойдали эканидан маълум даражада шубҳаланади ҳам. Унинг учун соч қўймаган ўқувчи — энг ибратли ўқувчи. Портфель ўрнига «дипломат» тутган ўқувчиларга, «Чамадон кўтариб келиш кимаси?» — деб хўп таъқиб қилди, кейиничалик қўниб кетишга мажбур бўлди. Янги модага кўра аёл ўқитувчиларимиз причёскаларини ўзгартириб келиша бошлаганда, директоримизнинг шахсан ўзи мактаб эшигига туриб олиб, ўқитувчиларни назоратдан ўтказа бошла-

ди, унинг таъбири билан «жибилажибон»ларни мактаб биносига ҳатто киргизмади, «инкита қилиб ўриб келинглар, болалар тарбиясини бузишга йўл қўймайман», деб юрди, аммо қўпчиликнинг тазиёки остида таслим бўлди, яна кўнинди. Почаси тор шим кийиб келган ўқувчилардан баъзиларини кабинетига чақиртириб шимларининг чоқидан сўкиб ташлаган ҳоллари ҳам бўлган, аммо давр тақозоси — ўзи кунлардан бир кун тор почали шим кийиб келганида, ҳамманинг оғзи очилиб қолган. Кейинчалик ўқувчиларнинг устида тирсак-тиzzаси оқариб кетган жинсовкаларни, елкасигача тушган сочларини кўриб, тутикашиб кетган, қапчаларининг чора сифатига — сочларини ўз қўли билан қайчилаб ташлаган. «Кимда-ким шу алвости турқда юрганини кўрсам,— деган у кескин равишида огоҳлантириб,— қалақа ўқиган ва кимининг фарзанди бўлмасин, аттестатдан маҳрум этилади...» Умумай, директоримиз Шералиев ўзини мактабимиздаги маънавий муҳитнинг ашаддий ҳимоячиси, пособни, деб ҳисоблайди. «Фақат маънавий иқлим тоза ва мусаффо мактабдагина ўқиши интизоми яхши бўлади», дейди у ҳамиша. Ана шу «маънавий иқлимини» ҳимоя қилиш мақсадида директоримиз бир ўқувчининг қўлида шубҳали кўринган журналини тортиб олипти. Журналда машҳур голланд расоми чизган аёл кишининг ялангоч тасвири босилган экан. Ўқувчи шўрлик: «Ахир бу машҳур Рубенснинг ишлаган расми-ку!» — деганида, Шералиев,— «Рубенс бўлса ўзига!» — деб гапга чек қўйипти.

* * *

...Манион ҳамон скамейкада ўтирипти. Аҳён-аҳён балконимга пазар ташлайди, дераза ортида борлигимни сезади. Мени чиқади, деб умид қилмоқда. Ким қапақа, айтольмайман, аммо мен қайси бир одам билан мулоқотда бўлмай, бенхтиёр Мухтор билан таққослайман. Шунитан олиш керак, кўп ҳолларда Мухтор устун чиқади. Бун-

дай кезларда дилим таскин топади, хайрият дейман... Бир куни ўқитувчилар хонасида — дарслар орасидаги бўшлиқдан фойдаланиб — ўқувчилар дафтарларини текшириб ўтирган эдим, Саттор бир нотаниш кишини әргаштириб кириб қолди.

— Лутфияхон, бир четда ўтириб гаплашиб олсак, халақит бермаймизми? — сўради Саттор, ёнидаги нотаниш кишига ишора қилиб.

— Бемалол,— дедим мен.— Истасангиз, ўзим чиқиб туришим мумкин...

— Ишлайверинг, Лутфияхон, бир-биримизга халақит бермаймиз. Бу акамиз синфимдаги бир боланинг дадаси эканлар...

Мен ҳар қанча ўз ишим билан машгул бўлишимга қарамай уларнинг сұхбати беихтиёр қулогимга чалинар эди. Чалинибгина қолмай, ҳатто диққатимни тортар эди.

— Асқарингиз,— дея қуя-пиша давом этди нотаниш киши, — ёшлигидаям галатпроқ эди. Шу, денг, аквариумда балиқчалар бориди, ҳозирал бор. Тавба, соатлаб балиқчаларига тикилиб ўтиради. Нималардир, деб гаплашарди ҳам. Айвонимизга қалдиргоч ин қурган, шу денг, ҳашарот тутиб келиб, болаларини боқади, Асқарингиз тентак, соатлаб кўзини узолмайди. Устунга суюниб томоша қилгани қилган, қорниям очмайди. Чойшаби доф бўладиган бўлиб қолди. Билсак, тошбақасини олиб ётаркан! Ахир тошбақаниям олиб ётадими? Мушук бўлсаем бир нав эди. Деворга нарвон қўйилган, чиқиб олиб узоқларга тикилгани тикилган, ҳайдамасам кечгача тушмайди. Ноини ушатиб, бир ўзи ейди, бир итига едиради. На ҳаромни, на ҳалолни билади. Товоғингни итинг билан бирга қилиб қўя қолайлик, ўглим, десам, хафаям бўлмайди. Типратиканини қўйнига солиб юаркан, санчилаверив, қорни яра бўлиб кетинти, билдирмайди ҳам хумпар...

Мен беихтиёр кулимсирадим, Саттор ҳам. Гапини қизиқиш билан тинглаётганимни қўриб, Асқарингиз дадаси, нажот қидиргаидек, мен томон ҳам қараб гапира бошлади:

— Энди бүёгини эшитинглар... Кишини кулгисиям, йиглагисиям келади. Яқинда денг, яна қилиқ чиқарди — кечгача қаерлардадир санғиб юриб, қоронғи тушганда уйга келади, биз ўтирган хонага кирмайды, алламаңалгача ҳайвонлари билан овора бўлиб, сездирмай кириб ётиб олади, сахар пайти чиқиб кетади — буни биз эшик очилиб ёпилганидан билиб қоламиз. Ўша куни яна кеч келди, қуёниларига сабзи бераётган экан, чақириб олдим. Ҳозир, дейди, келавермайди, ўшқирдим. Келишга мажбур бўлди. Қарасам денг, бурни қашқа, чап кўзи шишган. Ўзини опқочиб юрганини шунида англадим. Қоқилиб тушдим, деди, мен ишонмадим, сўроққа тутдим. Ахир айтишга мажбур бўлди: мактабини олдида танаффус пайтида иргишилаб юрган бўлса керак, аллақандай уч-тўртта ўзидан каттароқ нотаниш болалар буни тўхтатиб, синфингдаги Сирож деган болани чақириб бер, чақириб бермасаң ўзингни урамиз, дейишити... Асқар чақириб бермапти, ўзини уришилти... Сирожни бундан хабари ҳам йўқ, Асқар қашқа бўлиб юрипти. Бу, домла, қанақаси бўлди ўзи? Ақалли мактабга келяптими Асқарингиз? Биз уйда онаси билан хавотир бўляпмиз ахир?!

Мен Сатторнинг жавобини кутардим. Саттор жилмай-ган ҳолда бир оз нотаниш кишига тикилиб турди-да:

— Биласизми, Қарим ака,— деди,— агар мени фарзандим шупақа бўлса, фахрланардим. Асқарни мен ҳалигача билмас эканман...

Беихтиёр мен Сатторнинг ўриига эримни қўйиб кўрдим...

Мана ҳозир ҳам дераза орқали мажнунтол соясига қўйилган скамейкага тикилар эканман, нуқул кўз ўнгимда Мухтор гавдаланади, унинг салмоқли фазилатларини аслагим, шу фазилатларини қалқон қилиб, қалқон панасига ўзимни яширгим келади. Тўғри, Мухтор орзу қилса арзигудек шахс. Пок йигит. Балки шунинг учун ҳам баъзи бир узвий нарсалар айниқса яққол кўринар. Чиркин докада доғ кўринмайди. Ёки айб ўзимдадир, ўта талаб-

чанлигимдадир. Балки шу хил талабни менинг ўзимга нисбатан қўйишса, синовдан ўта олмаслигим мумкин. Эҳтимол, талабнинг сустлигини, қолаверса, лоқайдликни биз маданиятнинг ифодаси деб билармиз? Терғовнинг бўшлигини «бир-бирига ишонч» ибораси билан алмаштиргандирмиз. Боя айтганимдек, Мухтор соф, тўғри йигит. Балки ҳамма иллат шу тўғрилигидадир. Нима қилмасин, ҳаммаси ўлчанган. Меъёрида. Неча йил яшаб келяпмиз, бирон марта қўлидан пиёла тушиб синмаган, бирон марта қўлини кесиб олмаган, бирон марта ўн бирдан кеч ётмаган, еттидан кеч турмаган. Ҳеч қачон қаттиқ кулмаган, оғир изтироб чекмаган, шалоқ сўқинмаган, бирорни мақтамаган, тушида алаҳсираб бирон аёл номини айтвормаган. Имижимида. Маъқули илиқ сув, совугиям, иссигиям керак эмас, ҳеч қачон ангина бўлмаган. Балки бирон-бир аёлни севиб қолса яхши бўлармиди? Албатта, севиб қолиши мумкин, лекин буни Мухтор четлаб ўтади, қочади. Ахир севса, юрак бошқача ура бошлайди, мундарижа бузилади, хаёл қочади. Ларзанинг не ҳожати бор, умрни қисқа қилади.

Бир куни ишдан кейин почта қутисини титкилаб ҳар кунги келадиган газеталарни олиб лифт эшигига яқинлашдим, қизил чироқ ёниб турган экан, вақтни ўтказиш учун газеталарни кўздан кечира бошладим. Ногаҳонда конверт чиқиб қолди. Хат менинг номимга бўлиб, адреси машинкада босилган эди. Хат йўлловчининг на адреси, на фамилияси бор. Биз аслида ҳеч кимдан хат олмаймиз. Фақат байрам арафаларида беш-тўртта танишлардан табрик открытилари оламиз, холос. Таажжубландим. Қизиқиши уйғонди. Бафуржа ўқирман, деб конвертни очмадим. Лифт келди, квартирамизга кўтарилдим. Наргиза боғчада эди. Бир ўзим шошилмай ечиндим, кийимимни алмаштиредим, аммо нотаниш одамнинг хати мени тинмай шошилишга ундарди. Конверт ичида тўрт буқланган қозоз чиқди. Ярим бет сўзлар ҳам машинкада бежирим босилган, ҳеч қандай мурожаат йўқ, шунинг учун расмий хат бўлса

көрак, деган фикр дарров хаёлимга келди. Аммо... «Сиз мени танимайсиз, мен сизни танийман, чунки тез-тез учратиб тураман. Авваллари, бир кўришда ошиқ бўлдим, деганларга ишонимас эдим, ўзим шу кунига тушиб қолдим. Маъюс, ўйчан кўзларингиз, сокин юзингиз исча ойдирки, тинчлик бермайди. Жинни бўлиб қолгац, десангиз, балки ҳақ чиқарсиз. Ҳамма нарсага (ҳатто жонимдан жудо бўлишга ҳам) тайёрман! Кўзимга Сиздан бўлак ҳеч нарса кўринмайди! Ҳиссиётимни айтмайман, сўз ожиз. Биламан, Сиз оиласиз, битта қизлингиз, мартабали эрингиз бор. Исмингиз Лутфия. Оемондаги юлдузларни ваъда қила олмайман, ўзимни, истасағиз, жонимни ваъда қиламан. Аввалдан биламан, бу аламзада қилмишинминиг оқибати мен учун мағлубият билан якун бўлади, лекин менингдек бир девона Сизнинг ишқингизда қон ютиб юрганини билсангиз кифоя. Мен сиздан ҳеч нарсани талаб қилмайман. Зинхор. Фақат ўтинаман — бир дақиқага бўлса ҳам 17 сентябрда соат иккida гул магазини олдига чиқинг, ўзим Сизни топиб оламан.

С. С.»

Бўшашиб кетдим, баданимдан тер чиқиб, юрагим қаттиқ ура бошлади. Оёқларимда мадор қолмади, аранг каравотга стиб олдим. Анчагача ҳайрон бўлиб ётдим. Бу қанақа гап? «С. С.» Ким бўлди у? Нима ҳаққи бор? Мени ким деб ўйлайди? Бошимда эрим туриб... Мен ҳеч кимга бунақа умид учун асос бермовдим-ку... Балки биронта дијабузар бўлса-чи? Унақангилар камми? Эримнинг амалими, тинч турмушини бузиш орқали мақсадига әришмоқчи бўлиб юрган шумният душманлар қаинча! Нима қилсан экан? 17 сентябрда, депти. Соат иккida. Ҳали Мухтор келса, кўрсатаман хатини. 17-да бирга борамиз, Мухтор адабини бериб қўйсия. Бир изза бўлганини кўрай! Аммо... Мухтор нима деб ўйларкин? Ишонармикин ёки «ўзинг кўз сузгандирсан бўлмаса бирор дабдурустдан муҳаббат изҳор қилиб хат ёзишга ботина олармиди?

Ахир хат менинг қўлимга тушиб қолишини ўйлаши керак-ку! Бу ерда бир сир бор. Қўзбўямачилик қиласан. Сергаклигимга лой чаплаб, ўзинг кейин айшинги суриб юраверасан», деса нима қиласан? Бунақа демаганида ҳам қўнглида ғубор қолади. Шубҳа билан яшай бошлади. Бошқа нарсаларни баҳона қилиб, азоб беришга тушади. Ўзини ҳам қийнаб юради, мени ҳам. Шубҳалар очиқ рашикка айланади. Сал рўйхуаш бермасам, ўшани рўяч қиласди. Дағаллигидан иолисам, «мен бировлардек ширин гапира олмайман», деб қуруқ писанди қиласди. Ўйда ҳаёт бўлмайди, дўзахга айланади... Яхшиси бу хатни Мухторга кўрсатиш керак эмас. Оlam гулистон! Ўринисиз шубҳа туғдириб пима қиласан?

Аммо шу билан бирга хатининг муаллифи ҳақиқатан севги азобида юрган бўлса-чи? Туйгулари самимий бўлса-чи? Унда нима гуноҳ? Мени учратиб, дилида яшириниб ётган ҳиссиятлари ловуллаб жўшиб кетган, ўзи бу бостириб келган муҳаббат тўлқинидан эсанкираб қолиб, бошқа илож-тадбир топа олмай, шу хат йўсимида бир чора кўрмоқчи бўлгандир: бечора... Мен уни бир зумда шумниятга, дилбузарга чиқариб ўтирибман. Ахир севиниш — айб эмас-ку! Сева билиш табиатининг инъоми, бундай баҳтга ҳамма ҳам мусассар бўлавермайди. Ўзимни, Мухторни олай! Ахир биз ишқ ўтида умуман ёшмаганимиз-ку! Муҳаббатининг юксак даража билан оловланишини биз ҳатто хаёлимизга ҳам келтира олмаймиз. Шунинг учун биров, севдим, яхши кўриб қолдим, деса, худди уят нарса рўй бергаңдек, кўзимизни олиб қочамиз ёки ўзимизни маданиятсиз кўрсатмаслик учун мавҳум жилмайиб қўя-миз, холос... Балки у ёндири? Одатда ёшлиар, биринчи ҳиссият хуруж қилганди, каллаларини йўқотиб қўйишади, ягона муҳаббат шу, деб ўйлашади. Қўпинича ўзидан катта жувонларни яхни кўриб қолишади, кейинчалик ўзлари мулзам бўлиб, уялиб юринади... Ё 17-да борайми? Тушуни-тирайми? Биринчи ҳиссият бўронига таслим бўлманг, укам, қўпинича дастлабки туйғу алдоқчи бўлади, деймикни?

Епишиб олса-чи? Унда нима қиласман? Кўчада шарманда бўламан-ку! Одамлар нима деб ўйлади?! Йўқ! Яххиси бормаслик, кўзни кўр, қулоқни кар қилиб, бу бўронни ўтқазиб юбориш керак! Яна хат ёёса-чи? Ахир бирдамас-бирда биттаси Мухторнинг қўлига тушиб қолиши мумкин-ку! Унда нима бўлади? Ахир биринчи мактуб эмаслиги мазмунидан аён бўлади-ку? Нима деб важ келтираман? Ўзим ҳам чувалашиб қоламан, бу турган гап... Хат 17 сентябргача келмайди. Агар 17-да учрашувга бормасам, ана ундан кейин кетма-кет кела бошлайди. Ҳали ўн еттинчига-ча уч қуни бор. Анча-мунича нарса ўйлаб, маълум қарорга келиш мумкин. Муҳлат берганига ҳам раҳмат, бугун ё эртага учрашамиз, деса, нима илож қидирадим... Шу хил мулоҳазаларни дилимдан ўтқазиб, бир оз тинчигандек бўлдим-да, яна хатни қўлга олдим. Кўз югуртириб чиққанимдан кейин, бир нарсани англадим, англадиму, юрагимга яна ғулғула оралай бошлади. Хатнинг мазмунидан шундоққина кўриниб туринти — бу ёш йигитнинг хати эмас. Масала, демак, мен ўйлагандек мураккаб. Идроки қуйилган киши муҳаббат изҳор қилган экан, кўп ўйлаган. Хатни яна ўқиб чиқдим, конвертида почта штампи йўқ. Демак, «С. С.» мени анчадан бери қузатиб юради, адресими билиб олган. Хатни паstdаги бизга қарашли почта қутисига ўзи ташлаб кетган, балки газета олаётган пайтимда ҳам назорати остида мени ушлаб турган. Телефонимиз номерини билиши мумкин... Қани энди телефон қиласа! Шартта-шартта гапириб, умидини узардим. Ўзим ҳам қутулардим, уни ҳам пуч орзуладан озод қилган бўлардим.

Ниҳоят уч кун ўтди, 17 сентябрь ҳам келди. Ойначамга тикилиб пардозимни тузатдим (ажабо!). Секин ташқари чиқдим. Мактабдан қайтарканман, атрофга аланглайман, «С. С.» олдимдан чиқиб қолармикин, деган гумонда ҳадиксирайман. Ураган йигитлардан ҳайиқаман, кўчанинг нариги томонига ўтиб оламан. Хайрият, ҳеч ким мени тўхтатмади, аммо назаримда «С.С.» шу атрофда бўлиши

аниқ. Мен, ҳамма нарсага чек қўйган аёл шунча саросимадаман, унинг аҳволи қалайикин?

Одамниң табиати ғалати, бир ярим деганда уйга кириб бордиму, қўчага қараган деразага отилдим — гул магазини Ленин хиёбонининг шариги томонидаги кўп қаватли уйнинг биринчи қаватига жойлашган, деразамдан кўриниб турди. У ерда гул магазинидан ташқари «Дорихона», «Сартарошхона», «Почта бўлими», китоб магазини ва яна аллақандай савдо магазинлари бор. Одамлар ўз юмушлари билан юришипти, аммо мен қидирган кимсага ўхшаш алломатни пайқамадим. Балки ҳали келмагандир, балки бирон пана жойда писиб ўтиргандир. Албатта мен келганимни кўриб икror бўлганидан кейин чиқади. Лоқайд бўлишга ўзимни зўрлаб, ечиндим, кийимларимни ўзгартирдим. Ўзгартирмай нима қиласдим, бари бир учрашувга чиқмайман-ку! Аммо баъзан соатга қараб қўяман. Майли-да! Чорак кам икки. Ўнта кам икки. Бешта кам... Юрагим гуп-гуп уради, тиззаларим қалтирайди, асабим рубоб торидек тараанг, узилиб кетиши ҳеч гап эмас. Бориб ўзимни каравотга ташладим, дим тушганимча алламаҳалгача ётдим. Назаримда бир дунё вақт ўтгандек бўлди. Тамом! Энг оғир лаҳзалардан ўтиб олдим! Буёги осойишталиқ. Бошимни кўтариб қарасам, соат энди уч бўлипти! Бирон юмуш билан овуниш керак. Ҳоргин аҳволда туриб, қўшни хонага чиқдим. Қизиқ туюлди, дераза орқали гул магазини томон қарадим. Ўша-ўша, йўловчилар ўз ташвишлари билан банд, севгилисими инизор кутиб асабий ўёқдан-бўёққа юрган ошиққа ўхшаган бирон кимса йўқ! Аммо айни шу чоқда бир оқ «Волга» келиб тўхтади, қўзимга иссиқ кўриди ва шу заҳотиёқ «Дорихона»дан Мухтор югуриб чиқди-да, бояги машинага тезлик билан ўтирди, машина кескин жойидан қўзғалиб, кўздан гойиб бўлди... Ана шунда тушундим — хатни муқаррар эрим ёзган. Мухтор соат бирда дарсдан бўшашимни биларди, шунинг учун учрашувни иккига тайин қилган, иккidan сал аввал келиб, «Дорихона»

нинг ойнабапд деворидан менинг келишимни кузатишга тушган. Менинг чиқмаслигимга амин бўлгалидан сўнг, телефон орқали машинасини чақирган... Демак, шубҳаси бор эканки, мени синамоқчи бўлган. Бироқ покизаликда текшириш учун одам ўз хотинини шунақа синовдан ўтказиши — буни нима деб аташ мумкин?! Мен, албатта, бу ўзига номуносиб қилмишини ҳеч қачон юзига солмайман, ҳатто уни фавқулодда кўриб қолганимни сездирмайман ҳам, аммо ичимдан ўтганини ўзим билиб қолавераман... Нега қарадим деразадан?! Қарамасам, эримнинг шундай ишга қодир эканини билмасмидим... Наргизанинг овози қулогимга чалинди, кўзимни очсан Мухтор кўча кийимларини шкафга илаётган экан, Наргизанинг овози эштилади, ўзи кўринмайди, хонасида бўлса керак. Уни Мухтор ишдан қайтишда боғасидан олиб келади. Ўз қалити билан эшикни очиб кирганини уйқуда эшитмабмац, қўёш гул маганини жойлашган бинонинг орқасига энди ўта бошлапти,

— Яна бошинг оғридими? — сўради Мухтор, келиб менинг каравот қиррасига ўтиаркан.

— Йўқ, ўзим... Озгина чўзилай, девдим, кўзим уйқуга кетипти.

Мухтор эгилиб, гиламда ётган конверти олди (ўзим атайни ташлаб қўйган эдим).

— Бу нима? — деди у сохта.

— Хат.

— Кимдан?

— Ўқиб кўришиг.

— Расмийми?

— Аксинча.

— Нега, ўқинг, деяисан унда?

— Сиздан нега яширай?

Мухтор конверти очиб, хатни биринчи кўраётгандек ўқий бошлади, ўқиб бўлиб жилмайиб қўйди:

— Ҳм. Табриклайман!

Мен бош қимирлатиб, жилмайдим.

— Танийсанми ўзини? Ким «С. С.»?

- Ёзилган-ку, «танимайсиз» деб.
 - Бордингми?
 - Боришим кераклигини сиздан сўраб олмаганман.
- Ботина олмадим.
- Афсус,— деди Мухтор киноя оҳангида.— Қачон келувди хат?
 - Уч кун бўлди.
 - Уч кун ичида сўраб олиш мумкин эди. Лоақал кўрсатмадинг.
 - Ёдимдан кўтарилипти.
 - Фавқулода нарса ёддаи кўтарилиши таажжуб.
 - Таажжубланадиган ери йўқ. Бунақа хат ёзиш фақат психикаси бузилган руҳий касалнинг қўлидан келади. Агар боришга ўзингиз ундаётган бўлсангиз, яна хат келса, ўйлаб кўраман.
 - Уч кун мобайнида оғиз очмаганингга ҳайропман. Кўрқдингми, рашки келади, деб?
 - Кўрқсам, бу хат гиламда ётмаган бўларди.
 - Сенинг ўринингда мен бўлганимда борардим. Ҳар қалай, қизиқ-да.
 - Сиз ҳам бормаган бўлардингиз, сиз унақа одаммас сиз,— дедим ва шундай жавоб топа билганимга ўзим ҳам таажжубландим, чунки бу гап билан мен унинг иззатнафсини ва нақадар садоқатли инсон эканини бир карра кўтарган эдим.
 - Раҳмат,— деди Мухтор ўрнидан турди. У менинг охирги жавобимдан мамиун экани сезилиб турарди...

* * *

Манионининг кўзлари ҳамон деразамда. Нималарни ўйлаётганикни? Мухтор менга писбатан қўллаган найрапнигни Манион ҳам қиласмикини? Қайдам. Қилмаса керак... Нима учун охирги пайтларда мени Манион ҳақида ўқтин-ўқтин

ўйлайдиган бўлиб қолдим? Хушрўйлигими? Мухтор ундан каммас. Ақллилигими? Мухтор ҳам зеҳили, очиқ йигит. Маннон очиқ одамга ўхшамайди. Жозибаси балки алла-нечук сирли сехридадир. Умуман, Маннон сехрли бир китобга ўхшайди. Одатда бундай китобни очишга одам ҳайиқади — худди бирон дугонанг кафтиңг чизиқларидан фол очиб, тақдирингни айтиб беришга отланганда бўладиган ҳадиксираш каби. Ҳам қизиқ, ҳам қўрқинчли — агар қўнгилсиз тафсилотлари бўлса-чи? Бир умр машъум юки босиб юради кишини. Албатта, ўша китобни варақлаб кўп ажойиб ҳодисалар, саргузаштлар оқимига кириб бориш мумкин. Лекин у оқимнинг хавфли тўлқинлари одамни оқизиб домига тортиши, гарк қилиши мумкин... Тўлқинларнинг жозибали гирдоби деб, соҳилни тарқ этиш инсофданми? Ахир соҳилда мўлтираб бир begunox жажжи инсон турипти. Бу жажжи Наргизадир...

Яхшиси, ҳар қанча сехрли бўлмасин, ўша китоб саҳифаларини варақламаган маъқул!

Мажнунтол томонга қараб, ичимда «хайр» дедим, пала-тадап чиқдим. Қийимларимни алмаштириб, кўчага ошиқдим. Ҳозир такси тўхтатиб, тўппа-тўғри болалар боғчасига бораман, Наргиза чиқади, қизимни маҳкам қучиб, бағримга босаман, тўйиб-тўйиб ўпаман...